

cus; ab anima vero, cum vel timore turbatur, vel pudore confunditur, vel irascitur, vel amat, vel si quid ejusmodi; nec immerito, si id quod animat et regit, etiam cum vehementius moveretur, vehementius exigit: ita et ipsi animae ut in ea visa pugnat, quae non ei per sensum corporis nuntiantur, sed per incorporalem substantiam; et ita pugnat ut non discernat utrum corpora sint an similitudines corporum, aliquando a corpore accedit, aliquando a spiritu; et a corpore quidem, sive naturali vicissitudine, ut sunt visa somniantium, dormire quippe a corpore est homini; sive aliqua mala valetudine sensibus perturbatis, ut cum a phreneticis simul et corpora videntur, et visa similia corporibus tanquam et ipsa pra oculis adsinist; aut penitus interclusi, sicut sepe male affecti morbo aliquo ingravescente, praesente corpore diu absentes, deinde hominibus redditi, multe se vidisse dixerunt: a spiritu vero, cum omnino sano atque integro corpore in alienationem rapientur, sive ita ut et per sensum corporis corpora videant, et in spiritu quedam similia quae a corporibus non discernant; sive penitus avertantur a sensibus carnis, et nihil per eos omnino sentientes, illa spirituali visione habitent in similitudinibus corporum. Sed cum malus in haec arripiit spiritus, aut daemonicos facit, aut arreptiarios, aut falsos prophetas: cum autem bonus, fideles mysteria loquentes, aut accedente etiam intelligentia veros Prophetas, aut ad tempus quod per eos oportet ostendi, videntes atque narrantes.

CAPUT XX.

*Visa quæ a corpore occasionem habent, non tamen  
exhiberi a corpore.*

**XLII.** Sed cum a corpore causa est ut talia visa cernantur, non ea corpus exhibet; neque enim habet vim, ut formet aliquid spiritale: sed sopito, aut perturbato, aut etiam intercluso itinere intentionis a cerebro, qua dirigunt sentiendi motus, anima ipsa que motu proprio cessare ab hoc opere non potest, quia per corpus non sinitur, vel non plene sinatur corporalia sentire, vel ad corporalia vim sue intentionis dirigere, spiritu corporalium similitudines agit, aut intuetur objectas. Et siquidem eas ipsa agit, phantasie tantum sunt; si autem objectas intuetur, ostensiones sunt. Denique cum oculi dolent vel extincti sunt, quia non est causa in sede cerebri, unde ipsa dirigunt intentio sentiendi, non fiant humusmodi visiones, quamvis cernendis corporalibus obstaculum existat a corpore. Magis enim caci aliquid dormientes quam vigilantes vident. Dormientibus quippe in cerebro consopitorvia sentiendi, que intentionem ad oculos ducit, ideoque ipsa intentio in aliud aversa, cernit visa somniorum tanquam species corporales adsint, ut sibi dormiens vigilare videatur, et non similis corporibus, sed ipsa corpora intueri se putet: cum autem vigilant caci, ducitur per illa itinera intentione cernendi, que cum ad loca venerit oculorum, non exirent foras, sed ibi remaneant, ut vigilare se sentiant, potiusque esse in tenebris vigilando etiam per diem, quam dormiendo, sive per diem sive per noctem. Nam

et qui ceci non sunt, plerique patentibus oculis dormiant nihil per eos videntes, sed non ideo nihil videntes, cum spiritu cernant visa somniorum : si autem clausis oculis vigilent, neque dormientium praesto sunt visionibus neque vigilantium. Tantum tamen valet, quod usque ad oculos eorum nec sopita, nec perturbata, nec interclusa pervenit a cerebro via sentiendi, et animae intentionem usque ad ipsas quamvis clausas fores corporis ducit, ut cogitentur quidem imagines corporum, sed nullo modo pro eis habentur corporibus, quae per oculos sentiuntur.

**XLI.** Tantum interest, ubi fiat impedimentum sentiendi corporalia, cum fit in corpore. Si enim non fit nisi in ipsis aditibus, et quasi janus sensuum, velut in oculis, in auribus, ceterisque sensibus corporalibus, sola impediret perceptio corporalium; non autem animae intentio in aliud sic avertitur, ut pro corporibus habeat imagines corporum; si autem causa est intus in cerebro, unde diriguntur vice ad ea, quae foris sunt, sentienda; ipsius intentionis vasa sopiuntur, vel turbantur, vel intercluduntur, quibus nitiuit anima in ea quae foris sunt, intuenda vel sentienda. Quem nisum quoniam non amittit, tanta expressione format similia, ut imagines corporalium a corporibus discernere non valens, utrum in illis an in ipsis sit nesciat; et eum scit, longe alio modo sciat, quam dum in cogitando versantur sive occurrant similitudines corporum. Qui modus nisi ab expertis capi utcumque non potest. Hinc enim erat, quod me dormiens in somnis videbam, sciam tam illas corporalium rerum similitudines, quas videbam, sic ab ipsis corporalibus discernebam vel, quemadmodum eas cogitantes etiam clausis oculis vel in tenebris constituti discernere solemus. Tantum valet ipsa animi intentio utrum perducatur usque ad sensus licet clausos, aut in ipso cerebro, unde in hac mititur, aliqua

causa existente in aliud avertatur, ut quamvis aliquando se noverit non corpora, sed corporum similitudines cernere, vel minus eruditia etiam ipsa esse corpora existimus, sentiat se non ex corpore, sed spiritu videre, longe sit tamen ab affectione, qua suo corpori presentatur: unde se norunt, et ceci vigilare, cum similitudines corporum cogitat a corporibus, quae videre non possunt, certa notione discernunt.

~~—modestum doce et amabilis, amato ne deponit, semper~~

## CAPUT XXI.

*Visa corporalibus similia in quæ anima rapitur, non  
esse virtutem ideo esse naturæ diversæ.*

**XLIV.** Cum autem sano corpore, nec somno sensibus consopitis, aliquo occulto opere spirituali in ea visa, quae similia sunt corporalibus anima rapitur, non quia modus diversus est, ideo est etiam diversa natura visorum; cum et in illis causis, quae de corpore existunt, sit utique differentia, et aliquando a contrario. Nam phreneticis non dormiendo potius perturbatas habent sentiendi vias in capite, ut talia videant, qualia somniantes vident, quorum dormiendo avertitur intentio a sensu vigilandi, et in ea videnda convertitur. Cum ergo illud fiat non dormiendo, hoc autem dormiendo, non tamen ea quae videntur ex alio genere sunt, quam ex natura spiritus, de quo vel in quo sunt similitudines corporum. Ita quamvis diversa sit causa intentionis alienatae, quando sano corpore vigilantis occulta quadam vi spirituali anima rapitur, ut vice corporum expressas corporalium rerum similitudines in spiritu videat, eadem tamen est natura visorum. Neque

enim dicit potest, cum causa in corpore est, tunc anima sine ulla præsensione futurorum ex se ipsa versare imagines corporum, sicut etiam cogitando eas solet; cum vero in ea videnda spiritu assumitur, divinitus haec demonstrari: quandoquidem aperta Scriptura dicit: «Ego fundam de spiritu meo super omnem carnem, et juvenes visa videbunt, et senes somnia somniabunt<sup>1</sup>; » divine operationi utrumque tribuens, et Angelus Domini apparet Joseph in somnis, dicens: «Noli timeri accipere Mariam conjugem tuam.» Et iterum: «Tolle puerum et vade in Agyptum<sup>2</sup>.»

**CAPUT XXII.**  
Quomodo contingent visa illa, ex quibus divinationes occulto instinctu seu casu factae.

**XLV.** Itaque bono quidem spiritu assumi spiritum hominis ad has videndas imagines, nisi aliquid significant, non puto: cum vero in corpore causa est, ut in eas expressius intuendas humanus intendatur spiritus, non semper aliquid significare credendum est: sed tunc significant, cum inspirant a demonstrante spiritu, sive dormienti, sive aliquid aliud ex corpore, ut a carnis sensibus alienetur, patienti. Vigilantibus etiam neque ullo morbo afflicti, nec furore exagitati, occulto quodam instinctu ingestas esse cogitationes, quas promendo divinarent, non solum aliud agentes, sicut Caiphas pontifex prophetavit<sup>3</sup>, cum ejus intentio non haberet voluntatem prophetandi,

<sup>1</sup> Joel. ii. 28. — <sup>2</sup> Matth. i. 20, et ii. 13. — <sup>3</sup> Iohann. xi. 51.

verummetiam id suscipientes, ut divinandi modo aliquid dicerent, novimus.

**XLVI.** Nam quidam juvenes jocando ut fallerent, ubi peregrini iter agebant, mathematicos se esse finxerunt, ignorantes omnino utrum duodecim signa dicerentur: Qui cum hospitem suum mirari cernerent quae dicebant, et attestari esse verissima, audacius in plura progressi sunt. At ille attestans ad omnia mirabatur. Postremo ab eis de filii salute quesiuit, quem diu absenteum desiderabat, et quod inopinata tardaret, ne quid ei accidisset sollicitus erat. At illi non curantes quid post eorum abscessum veri cognosceretur, dum tamen in praesentia letum hominem redderent, mox prefecti responderunt salvum ac propinquatum, et eo ipso die quo haec loquebantur, esse venturum: neque enim metuebant, ne cum totus dies peractus esset, eos ille redarguendos postridie sequeretur. Quid multa? dum jam abire disponerent, ecce subito adhuc eis illuc positis venit.

**XLVII.** Item aliis ante symphoniacum saltabat, ubi erant multa idola per quamdam paganorum solemnitatem, non aliquo spiritu arreptus, sed imitatione ludicra arreptios simulatus, scientibus, circumstantibus et spectantibus. Moris enim erat ut ante prandium peractis sacrificiis agitatisque fanaticis, si qui adolescentes post prandium vellent eo more ludere, nullus prohiberetur. Ille ergo inter saltandum, facto sibi silentio, jocabundus, et ridente multitudine circumseptus, ea nocte, que impendebat, in ea sylva, que juxta erat, hominem a leone interemptum iri, ad cuius cadaver spectandum illuscidente die confluxuram turbam, et illius solemnitas locum deserturam, prædictit. Et factum est, cum satis cunctis qui aderant in omnibus ejus motibus claruisset, hoc eum ludendo et jocando nusquam perturbata vel alienata.

mentē dixisse : ipso etiam tanto amplius mirante quod accidit , quanto magis nosset quo id animo atque ore protulerit.

**XLVIII.** Quonam modo haec visa in spiritum hominis veniant, utrum ibi primitus formentur, an formata inge-  
rantur, et quadam coniunctione cernantur, ut sit homini-  
bus Angeli ostendant cogitationes suas, et corporalium  
rērum similitudines, quas in suo spirītu futūrōrum cog-  
nitione p̄fōrmant ; quemadmodum et ipsi nostras cog-  
itationes, non utique oculis, quia non corpore, sed  
spiritu vident ; verūm hoc intersit, quod illi nostras,  
etiam si nolimus, nōverunt, nos autem ipsorum, nisi os-  
tentantur, nosse non possumus ; quia sic eas, ut opinor,  
habent in potestate occultare spiritualib⁹ modis, quemad-  
modum nos quibusdam interjectis obstaculis, nostra cor-  
pora ne aliorum oculis videantur, abscondimus : et quid  
fiat in spirītu nostro, ut aliquando cernantur tantummodo  
significantes imagines, et utrum aliiquid significent ignor-  
retur ; aliquando autem aliiquid significare sentiantur, sed  
quid significent nesciatur ; aliquando vero tanquam ple-  
more demonstratione anima humana et spiritu ipsas et  
mente quid significant videat, et scire difficillimum est,  
et si jam sciamus, disserere atque explicare operosissimum.

**CAPUT XXIII.**  
*Spiritalē naturā, ubi tam multis causis simili-  
tudines corporalium formentur in nobis existere.*

**XIX.** Quod autem nunc insinuare satis arbitror , cer-  
tum est esse spiritalē quandam naturam in nobis, ubi  
corporalium rerum formantur similitudines ; sive cum ali-

quod corpus sensu corporis tangimus, et continuo forma-  
tur ejus similitudo in spirītu , memoriaque reconditur ;  
sive cum absentia corpora jam nota cogitamus, ut ex eis  
formetur quidam spiritalis aspectus, que jam erant in  
spiritu et antequam ea cogitaremus ; sive cum eorum cor-  
porum, quae non novimus, sed tamen esse non dubita-  
mus, similitudines, non ita ut sunt illa, sed ut occurrit  
intuemur ; sive cum alia, quae vel non sunt, vel esse nesciun-  
tur, pro arbitrio vel opinatione cogitamus ; sive unde unde,  
neque id agentibus, neque volentibus nobis variae forme  
corporalium similitudinum versantur in animo ; sive cum  
aliquid corporaliter acturi, ea ipsa disponimus qua in illa  
actione futura sunt, et omnia cogitatione anteceduntur ;  
sive jam in ipso actu, vel cum loquimur, vel cum facimus,  
omnes corporales motus, ut exeri possint, præveniuntur  
similitudinibus suis intus in spirītu, neque enim illa vel  
brevisima syllaba in ordine suo nisi prospecta sonisset :  
sive cum a dormientibus somnia videntur, vel nihil, vel  
aliiquid significantiā ; sive cum valetudine corporali turbati  
intrinsecus itineribus sentiendi, imagines corporum  
spiritus veris corporibus ita miscet, ut internosci vel vix  
possint, vel omnino non possint ; et aut significant aliiquid,  
aut sine illa significacione oboriantur ; sive prorsus in-  
gravescente aliquo morbo vel dolore corporis, et inter-  
cludente intus vias quibus anima, ut per carnem sentiret,  
exerceratur ac nitebatur intentio, altius quam somno ab-  
sentato spirītu, corporalium rerum existunt aut mon-  
strantur imagines, vel significantes aliiquid vel sine illa  
significatione apparentes ; sive nulla ex corpore causa  
existente, sed assumente atque rapiente aliquo spirītu,  
tollit anima in hujusmodi videndas similitudines corpo-  
rum, miscens eis visa corporalia, cum simul etiam corpo-  
ris sensibus uitetur ; sive ita spirītu assumente alienatur ab

omni corporis sensu, et avertitur, ut solis similitudinibus corporum spirituali visione teneatur, ubi nescio utrum possint aliqua nihil significantia videri.

*studii non esse norma, hoc communio non est, natioq  
terram in hoc. CAPUT XXIV. contributum sum  
nisi in oto. lvi. non non by cap. allatam vix; immo utri  
Visionem intellectualis spirituali spiritalem corpo  
rarii minu videt atri prestat. audimus hi suppon  
nos vix sentirent ut inservienti inservienti modis quoque*

*Hec igitur natura spiritalis, in qua non corpora, sed corporum similitudines exprimuntur, inferioris generis visiones habet, quam illud mentis atque intelligentiae lumen, quo et ista inferiora dijudicantur, et ea cernuntur, quae neque sunt corpora neque ullas gerunt formas similes corporum, velut ipsa mens et omnis anima affectio bona, cui contraria sunt ejus vitia, que recte culpantur atque damnantur in hominibus. Quo enim alio modo ipse intellectus nisi intelligendo conspicitur? Ita et charitas, gaudium, pax, longanimitas, benignitas, bonitas, fides, mansuetudo, continentia, et cetera hujusmodi, quibus propinquatur Deo: et ipse Deus, ex quo omnia, per quem omnia, in quo omnia.*

*LI. Quanquam itaque in eadem anima fiant visiones sive quae sentiuntur per corpus, sicut hoc corporeum colum, terra, et quaecumque in eis nota esse possunt, quemadmodum possunt; sive quae spiritu videntur similia corporum, de quibus multa jam diximus; sive cum mente intelliguntur, quae nec corpora sunt, nec similitudines corporum, habent utique ordinem suum, et est aliud alio precelentius. Praestantior est enim visio spiritalis quam corporalis, et rursus praestantior intellectualis quam spi*

ralis. Corporalis enim sine spiritali esse non potest; quandoquidem momento codem, quo corpus sensu corporis tangitur, fit etiam in animo tale aliquid, non quod hoc sit, sed quod simile sit; quod si non fieret, nec sensus ille esset, quo ea que extrinsecus adjacent, sentiuntur. Neque enim corpus sentit, sed anima per corpus, quo velut nuntio utitur ad formandum in se ipsa quod extrinsecus nuntiatur. Non potest itaque fieri visio corporalis, nisi etiam spiritalis simul fiat: sed non discernitur, nisi cum fuerit sensus ablatus a corpore, ut id quod per corpus videbatur, inveniatur in spiritu. At vero spiritalis visio etiam sine corporali fieri potest, cum absentium corporum similitudines in spiritu apparent, et singular malitia pro arbitrio, vel prater arbitrium demonstrantur. Item spiritalis visio indiget intellectuali ut dijudicetur, intellectualis autem ista spiritali inferiore non indiget, ac per hoc spiritali corporali, intellectuali autem utraque subiecta est. Cum ergo legimus: « Spiritalis omnia judicat, ipse autem a nemine dijudicatur<sup>1</sup>; » non secundum spiritum, a quo mens discernitur, sicut illud quod dictum est: Orabo spiritu ritu, orabo et mente<sup>2</sup>, » sed ex illa notione debemus accipere qua dictum est: « Renovamini autem spiritu mentis vestre<sup>3</sup>. » Jam enim supra docuimus alio modo et ipsam mentem spiritum dici, secundum quam spiritalis omnia dijudicat. Quapropter non absurde neque inconveniente arbitror spiritalem visionem inter intellectualem et corporalem tanquam mediatatem quamdam obtinere. Puto enim non incongruenter medium dici, quod corpus quidem non est, sed simile est corporis, inter illud quod vere corpus est, et illud quod nec corpus est, nec simile corporis.

<sup>1</sup> Cor. ii, 15. — <sup>2</sup> Id. xiv, 15. — <sup>3</sup> Ephes. iv, 23. vni, ieiunii amissione, audiuimus, inquit, monachos in Iesu Christo, illarumque magistrorum, quae dicitur deinde, omnes uniti, rationabili utriusque

Corporis minime tunc dubitari si eas non posset ducas  
aliam corporis similitudinem, quia in isto in multis, in magni-  
tudine et in diversitate sensu, non solum non videt, sed non videt  
**CAPUT XXV.** omnis homines, in  
Solam intellectualem visionem non fallere. nata  
m.  
**LII.** ILLUDITUR autem anima similitudinibus rerum,  
non eorum vitio, sed opinionis sue, cum approbat que  
similia sunt pro iis quibus similia sunt, ab intelligentia  
deficiens. Fallitur ergo in visione corporali, cum in ipsis  
corporibus fieri putat, quod sit in corporis sensibus : si-  
cut navigantibus videntur in terra moveri que stant, et  
intuitibus celum stare sidera que mouentur, et divari-  
catis radiis oculorum duas lucernae species apparere, et  
in aquarum rem infractum, et multa hujusmodi : aut cum putat  
aliquid hoc esse, quod similiter coloratum est, vel simili-  
ter sonat, vel olet, vel sapit, vel tangitur : hinc enim et  
medicamentum aliquod ceratum coctum in cacoce puta-  
tur legumen, et somitus transeuntis vehiculi putatur ex  
tonitruo, et si nullis aliis sensibus exploretur, sed soli  
adjacat olfactui, citrum putatur herba, que vocatur  
apiaria, et cibus aliquo dulicieulo suoco affectus putatur  
melle conditus, et ignotus annulus contractatus in tenebris,  
putatur aureus, cum sit aereus aut argenteus ; aut cum  
repentinis inopinatis corporalibus visis anima turbata  
vel in somnis videre se putat, vel aliquo hujusmodi spiri-  
tuali visa affici : unde in omnibus corporalibus visis, et  
aliorum sensuum contestatio, et maxime ipsius mentis  
atque rationis adhibetur, ut quod in hoc rerum genere  
verum est, inventari quantum inveniri potest. In visione  
autem spirituali, id est, in corporum similitudinibus, que  
spiritu videntur, fallitur anima, cum ea que sic videt,

ipsa corpora esse arbitratur; vel quod sibi suspicione fal-  
sa que conjectura fixerit, hoc etiam in corporibus putat,  
que non visa conjectat. At vero in illis intellectualibus  
visis non fallitur : aut enim intelligit, et verum' est; aut  
si verum non est, non intelligit : unde aliud est in his er-  
rare qua videt, aliud ideo errare quia non videt.

**CAPUT XXVI.**  
Raptus animæ duplex spirituali visione et intellec-  
tuali.

**LIII.** QUAPROPTER cum raptur anima in ea visa, que  
spiritu cernuntur similia corporalibus, ita ut omnino a  
sensibus corporis avertatur amplius quam in somno solet,  
sed minus quam in morte ; jam divine admonitionis est  
et adjutorii, ut se non corpora, sed visa corporum similia  
spiritualiter noverit cernere, sicuti que se in somnis videre  
etiam antequam vigilent sciunt. Ibi si etiam videntur  
futura, ita ut omnino futura noscantur, quorum imagines  
presentes videntur, sive ipsa hominis mente divinitus ad-  
juta, sive aliquo inter ipsa visa quid significant exponente,  
sicut in Apocalypsi Joanni exponebatur, magna revelatio  
est<sup>1</sup> : etiam si forte ignoret ille, cui haec demonstrantur,  
utrum e corpore exierit, an adhuc sit in corpore, sed spi-  
ritu a sensibus corporis alienato ista videat : potest enim  
sic raptus id ignorare, si ei et hoc non ostendatur.

**LIV.** Porro autem si quemadmodum raptus est a sen-  
sibus corporis, ut esset in istis similitudinibus corporum,  
que spiritu videntur, ita et ab ipsis rapiatur, ut in illam

<sup>1</sup> Apoc. 1, 10.

quasi regionem intellectualium vel intelligibilium subveniatur, ubi sine ulla corporis similitudine perspicua veritas cernitur, nullis opinionum falsarum nebulis obfuscatur: ibi virtutes animae non sunt operosae ac laboriosae. Neque enim opere temperantie libido frenatur, aut operae fortitudinis tolerantur adversa, aut opere justitiae iniqua puniuntur, aut opere prudentiae mala devitantur. Una ibi et tota virtus est amare quod videoes, et summe felicitas habere quod amas. Ibi enim beata vita in fonte suo bibitur, inde aspergitur aliquid hic humanae vite, ut in temptationibus huius saeculi, temperanter, fortiter, juste, prudenterque vivatur. Propter illud quippe adipiscendum, ubi secura quies erit et ineffabilis visio veritatis, labor suscipitur, et contineendi a voluntate, et sustinendi adversitates, et subveniendi indigentibus, et resistendi decipientibus. Ibi videtur claritas Domini, non per visionem significantem, sive corporalem, sicut visa est in monte Sina<sup>1</sup>, sive spiritalem, sicut vidit Isaías<sup>2</sup>, vel Joannes in Apocalypsi<sup>3</sup>: sed per speciem, non per enigmata, quantum eam capere mens humana potest, secundum assumentis Dei gratiam, ut os ad os loquatur ei, quem dignum talis Deus colloquio fecerit; non os corporis, sed mentis, sicut intelligendum arbitror quod de Moyse scriptum est<sup>4</sup>.

<sup>1</sup> Exod. xix, 18. — <sup>2</sup> Isai. vi, 1. — <sup>3</sup> Apoc. i, 10. — <sup>4</sup> Num. xii, 3.

## CAPUT XVII.

**Quo genere visionis Deus a Moyse visus.**  
non. **Videbat enim sicut ex eo quod manifestabatur in tabernaculo.**  
**LV.** CONCUPERIVIT enim, sicut in Exodo legimus, videare Deum<sup>1</sup>; non utique sicut viderat in monte, nec sicut videbat in tabernaculo, sed in ea substantia qua Deus est, nulla assumpta corporali creatura, quae mortalis carnis sensibus presentetur: neque in spiritu figuratis similitudinibus corporum; sed per speciem suam, quantum cam capere creatura rationalis et intellectualis potest, levigata ab omni corporis sensu, et ab omni significativo enigmate spiritus. Sic enim scriptum est: « Si ergo inveni gratiam in conspectu tuo, ostende mihi temetipsum manifeste, » ut videam te<sup>2</sup>: » cum paulo superius legatur locutus Dominus ad Moysem facie ad faciem, sicut quis loquitur ad amicum suum. Sentiebat ergo quid videbat, et quod non videbat desiderabat. Nam et paulo post cum dixisset ei Deus: » Invenisti enim gratiam in conspectu meo, et scio te pro omnibus<sup>3</sup>, » respondit ei: Ostende mihi claritatem tuam. » Et tunc quidem responsum accepit a Domino figuratum, de quo nunc longum est disputare, quando ei dixit: » Non poteris videre faciem meam, et vivere. Non enim videbit homo faciem meam, et vivet. » Deinde subiecit et ait illi: » Ecce locus penes me, et stabis super petram, statim ut transiet mea majestas, et ponam te in spelunca petrae, et tegam manu magna super te donec transeam; et auferam manum, et tunc videbis posteriora mea: nam facies mea non apparabit tibi. » Nec tamen

<sup>1</sup> Exod. xix, 18, et xxxiii, 9. —<sup>2</sup> Id. xxxiii, 9. —<sup>3</sup> Ibid. 17. —<sup>4</sup> Ibid. 20-23.

secuta Scriptura hoc etiam corporaliter factum esse narravit, satisque per hoc demonstratum est figurate dictum esse in Ecclesiæ significazione. Ipse est enim locus penes Dominum, quia Ecclesia est templum ejus, et ipsa adiuncta est super petram, et cetera quae ibi dicta sunt, eidem intelligentiæ congruent. Nisi tamen concupitam et desideratam Dei claritatem Moyses videre meruerit, non in libro Numerorum diceret Deus ad Aaron et Mariam fratres ejus: « Audite verba mea: Si fuerit Propheta inter vos Dominus, in visione illi cognoscet, et in somno loquar illi, non ita quomodo famulus meus Moyses in tota domo mea fidelis est. Os ad os loquar ad illum in specie, et non per enigmata, et claritatem Domini videntipsum; » Neque enim hoc secundum substantiam corporis, quæ carnis sensibus præsentatur, intelligendum est; nam utique sic loquebatur ad Moysen faciem ad faciem, contra in contra: quando tamen dixit ei: « Ostende mihi temetipsum; » et nunc etiam ad ipsos, quos objurgabat, et quibus Moysi meritum ita præferebat, sic loquebatur per creaturam corporalem præsentatam sensibus carnis. Illergo modo, in illa specie qua Deus est, longe ineffabiliter secretius et praesentius loquitur locutione ineffabilib[er]e, ubi eum nemo videns vivet vita ista, qua mortaliter vivitur in istis sensibus corporis: sed nisi ab hac vita quisque quodammodo moriatur, sive omnino exiens de corpore, sive ita aversus et alienatus a carnalibus sensibus, ut merito nesciat, sicut Apostolus ait, utrum in corpore an extra corpus sit<sup>3</sup>, cum in illam rapitur et subvehitur visionem.

<sup>1</sup> Num. xii, 6-8. — <sup>2</sup> Exod. xxxviii, 11. — <sup>3</sup> 2 Cor. xii, 3.

GENESI AD LITTERAM, LIB. XII.

CAPUT XXVIII

*Tertium cælum et paradisum de quo Apostolus posse  
intelligi tertium genus visionis.*

**LVI.** QUAPROPTER si hoc tertium visionis genus, quod superius est, non solum omni corporali, quo per corporis sensus corpora sentiuntur, verum etiam omni illo spiritali, quo similitudines corporum spiritu et non mente cernuntur, tertium celum appellavit Apostolus; in hoc videtur claritas Dei, cui videnda corda mundantur, unde dictum est: « Beati mundo corde, quia ipsi Deum vivi debunt<sup>4</sup> », non per aliquam corporaliter vel spiritualiter figuratam significacionem, « Tanquam per speculum in aenigmate, sed facie ad faciem<sup>2</sup> », quod de Moysi dictum est: « Os ad os<sup>3</sup> », per speciem scilicet, qua est Deus quidquid est, quantumcumque eum mens, quae non est quod ipse, etiam ab omni terrena labe mundata, et ab omni corpore et similitudine corporis aliena et abrepta capere potest: a quo peregrinatur mortali et corruptibili onere gravati, quandiu per fidem ambulamus, non per speciem<sup>4</sup>, et cum hic juste vivimus. Cur autem non credamus, quod tanto Apostoli doctori gentium, rapto usque ad istam excellentissimam visionem, voluerit Deus, demonstrare vitam, in qua post hanc vitam vivendum est in eternum? Et car non dicatur iste paradiseus, excepto illo in quo corporaliter vixit Adam inter ligna nemorosa atque fructuosa? Quandoquidem et Ecclesia, quae nos congregat in charitatis sinum, paradiseus dicta est cum

<sup>1</sup> Math. v. 8. — <sup>2</sup> 1 Cor. xiii, 12. — <sup>3</sup> Num. xii, 8. — <sup>4</sup> 2 Cor. v, 7.

fructu pomorum. Sed hoc figurate dictum est, tanquam illo paradiſo<sup>1</sup>, ubi proprie fuit Adam, Ecclesia significata sit per formam futuri. Quanquam diligenter considerantibus fortassis occurrat illo paradiſo corporali, in quo Adam corporaliter fuit, et istam vitam sanctorum significatam, quæ nunc agitur in Ecclesia, et illam quæ post hanc erit in eternum: sicut Jerusalēm, quæ interpretatur visio pacis, et tamen quedam terrena civitas demonstratur, significat Jerusalēm matrem nostram eternam in celis, sive in iis qui spe salvi facti sunt, et quod non vident sperantes per patientiam expectant<sup>2</sup>, secundum quos multi filii desertere magis quam ejus quæ habet virum<sup>3</sup>; sive in ipsis Angelis sanctis per Ecclesiam multiformis sapientiae Dei<sup>4</sup>, cum quibus post hanc peregrinationem sine labore et sine fine videndum est.

### CAPUT XXIX.

*An ut plures cœli, ita in spirituali et intellectuali visione plures gradus.*

**LVII.** Si autem sic accipimus tertium cœlum, quo Apostolus raptus est, ut quartum etiam, et aliquot ultra superioris cœlos esse credamus, infra quos est hoc tertium cœlum, sicut eos alii septem, alii octo, alii novem vel etiam decem perhibent, et in ipso uno quod dicitur firmamentum, multos gradatim esse confirmant; ac per hoc corporeos esse vel ratiocinantur vel opinantur, de quorum ratione sive opinione nunc disserere longum est: potest etiam fieri, ut etiam in spiritualibus vel intellectualibus

<sup>1</sup> Cant. iv, 13. — <sup>2</sup> Rom. viii, 24. — <sup>3</sup> Gal. iv, 27. — <sup>4</sup> Ephes. iii, 10.

multos quosdam gradus quisquam esse contendat, aut si possit ostendat, eosque distinctosjuxta aliquem proiectum magis minusve illustrium revelationum. Sed utcumque se ista habeant, et accipiuntur ut libet, ab alio sic, ab alio autem sic, ego visorum vel visionum preter ista tria genera, aut corpore, aut spiritu, aut mente, usque adhuc vel nosse vel docere non possum. Sed quot et quante singulorum generum sint differentiae, ut in unoquoque aliud alio gradatim superferatur, ignorare me fateor.

### CAPUT XXX.

*In spirituali genere visionis, alia visionis, alia visa quasi divina, alia humana.*

**LVIII.** Siccir autem in ista luce corporea est cœlum, quod super terras suspicimus, unde luminaria clarent et sidera, quæ corpora longe sunt meliora terrestribus: sic in illo genere spirituali, in quo videntur corporum similitudines luce quadam incorporali ac sua, sunt quædam excellētia et merito divina, quæ demonstrant Angeli miris modis; utrum visa sua facili quadam et præpotenti junctione vel commixtione etiam nostra esse facientes, an scientes nescio quomodo nostram in spiritu nostro informare visionem, difficili perceptu, et difficilior dictu rei est. Sunt autem alia visa usitata et humana, quæ sive ex ipso spiritu nostro multipliciter existunt, sive ex corpore spiritui quodam modo suggestur, sicut fuerimus affecti vel carne vel animo. Non solum enim vigilantes homines curas suas cogitando versant in similitudinibus corporum, verum etiam dormientes hoc sepe somniant, quo indigent: nam

et negotia sua gerunt ex animi cupiditate, et epulis potiusque inhantes insistunt, si forte esurientes sittentesque dormierunt. Quæ omnia puto comparata illis angelicis demonstrationibus sic habenda, ac si in ista natura corporum terrena coelestibus comparentur.

### CAPUT XXXI.

*In intellectuali visione alia sunt quæ in anima videntur, aliud lumen quo ipsa illustratur. — Lumen animæ Deus.*

LIX. Sic etiam in illo genere intellectualium visorum alia sunt, quæ in ipsa anima videntur, velut virtutes quibus virtus sunt contraria; sive permansure, ut pietas, sive utilis huic vite, et postea non futura, sicut fides quia credimus ea quæ nondum videmus, et spes qua futura cum patientia expectamus, et ipsa patientia qua omnia toleramus adversa, donec quo volumus veniamus. Itre quippe et hujusmodi virtutes, quæ nunc propter transiendum istam peregrinationem valde necessariæ sunt, non erunt in illa vita, propter quam adipiscendam sunt necessariæ: et tamen etiam ipsa intellectualiter videntur; neque enim aut corpora sunt, aut species habent similes corporum. Aliud autem est ipsum lumen, quo illustratur anima; ut omnia vel in se vel in illo veraciter intellectus conspiciat; nam illud jam ipse Deus est, hæc autem creatura, quamvis rationalis et intellectualis ad ejus imaginem facta, quæ cum conatur lumen illud intueri, palpitat infirmitate, et minus valet. Inde est tamen quidquid intelligit sicut valet. Cum ergo illuc rapiatur, et a carnalibus subtracta sensi-

bus, illi visioni expressius presentatur non spatis localibus, sed modo quadam suo, etiam supra si videt illud, quo adjuta videt quidquid etiam in se intelligendo videt.

### CAPUT XXXII.

*Anima corpore exuta, quo feratur.*

LX. Si autem queritur, cum anima de corpore exierit, utrum ad aliqua loca corporalia feratur, an ad incorporea corporalibus simila, an vero nec ad ipsa, sed ad illud quod et corporibus et similitudinibus corporum est excellens; cito quidem responderem, ad corporalia loca eam vel non ferri nisi cum aliquo corpore, vel non localiter ferri. Jam utrum habeat aliquod corpus, cum de hoc corpore exierit, ostendat qui potest, ego autem non puto: spiritalem enim arbitror esse, non corporalem. Ad spiritalem vero pro meritis fertur, aut ad loca poenalia similia corporibus: qualia saepe demonstrata sunt iis qui rapti sunt a corporis sensibus, et mortuis similes jacuerunt, et infernales penas viderunt, cum et ipsi in se ipsis gererent quamdam similitudinem corporis sui, per quam possent ad illa ferri, et talia similitudinibus sensuum experiri. Neque enim video cur habeat anima similitudinem corporis sui, cum jacente sine sensu ipso corpore, nondum tamen penitus mortuo, videt talia, qualia multi ex illa subductione vivis redditi narraverunt, et non habeat cum perfecta morte penitus de corpore exierit. Aut ergo ad illa fertur poenalia, aut ad illa itidem similia corporalibus, nec tamen poenarum, sed quietis atque gaudiorum.

**LXI.** Neque enim recte dici potest, vel illas falsas esse penas, vel illam falsam requiem atque luctationem: tunc enim haec falsa sunt, quando per opinionis errorem alia pro aliis putantur. Nam Petrus non solum cum discum illum videbat, et in eo non similitudines corporum, sed corpora putabat<sup>1</sup>, in hoc utique fallebatur: verum etiam cum alio tempore ab Angelo solutus e vinculis ibat in corpore ambulans<sup>2</sup>, et presentatus corporalibus formis et putabat se visum videre, nihilominus fallebatur. Nam et illa in disco erant spirituales formas corporalibus similes; et ista corporalis expressio soluti de vinculis, propter miraculum spirituali similis erat. Fallebatur autem anima in utrisque, nonnisi cum alia pro aliis approbaret. Quamvis ergo non sint corporalia, sed similia corporalibus, quibus animae corporibus exute afficiuntur, seu bene seu male, cum et ipsae corporibus suis similes sibi metuere apparent; sunt tamen et vera luctatio et vera molestia facta de substantia spirituali. Nam et insomnis magni interest utrum in luctatione in tristibus simus. Unde quidam in rebus quas concupiverant constituti, se vigilante dolerent; et rursus gravibus terroribus atque cruciatibus exagiti atque vexati, cum expergesci essent, dormire timuerunt, ne in eadem mala revocarentur. Et utique dubitandum non est, quod expressiora sint illa quae inferna dicuntur, atque ob hoc vehementius sentiantur. Nam et qui subnicti sunt sensibus corporis, minus quidem quam si omni modo morerentur, sed tamen amplius quam si dormirent, expressiora se vidisse narraverunt, quam si somnia narravissent. Est ergo prouersus inferorum substantia, sed eam spiritalem arbitror esse, non corporalem.

<sup>1</sup> Act. v, 1. — <sup>2</sup> Id. xii, 9.

## CAPUT XXXIII.

*De inferis quæstio. — Animam esse incorpoream.  
— Sinus Abrahæ.*

**LXII.** Nec audiendi sunt, qui affirmant inferos in hac vita explicari, nec esse post mortem. Viderint enim quemadmodum poëtica figura interpretentur, nos ab autoritate divinarum Scripturarum, quibus solis de hac re fides habenda est, recedere non debemus. Quanquam possimus ostendere illorum quoque sapientes de inferorum substantia minime dubitasse, quæ post hanc vitam excipit animas mortuorum. Unde autem sub terris esse dicuntur inferi, si corporalia loca non sunt, aut inde inferi appellantur<sup>1</sup>, si sub terris non sunt, merito quæruntur. Animam vero non esse corpoream non me putare, sed plane scire, audio profiteri<sup>2</sup>: tamen habere posse similitudinem corporis et corporum omnino membrorum quisquis negat, potest negare animam esse, quæ in somnis videt vel se ambulare, vel sedere, vel hac atque illac gressu aut etiam volatu ferri ac referri, quod sine quadam similitudine corporis non fit. Proinde si hanc similitudinem etiam apud inferos gerit, non corporalem sed corpori similem; ita etiam in locis videtur esse non corporalibus, sed corporalium similibus, sive in requie, sive in doloribus.

**LXIII.** Quanquam et illud me nondum invenisse con-  
fiteor, inferos appellatos, ubi justorum animæ requies-  
cunt. Et Christi quidem animam venisse usque ad ea  
loca, in quibus peccatores cruciantur, ut eos solveret a

<sup>1</sup> 2 Retract. xxiv, n. 2. — <sup>2</sup> 4 Sent. dist. xliv, cap. *Cum autem*

tormentis', quos esse solvendos occulta nobis sua justitia iudicabat, non immerito creditur. Quomodo enim aliter accipiendum sit quod dictum est : « quem Deus suscita » vit ex mortuis, solutis doloribus inferorum, quia non poterat teneri ab eis<sup>1</sup>, non video, nisi ut quorundam dolores apud inferos eum solvisse accipiamus, ea potestate quia Dominus est, cui omne genu flectitur, coelestium, terrestrium, et inferorum<sup>2</sup>, per quam potestatem etiam illis doloribus, quos solvit, non potuit attineri. Neque enim Abraham, vel ille pauper in sinu ejus<sup>3</sup>, hoc est, in secreto quietis ejus, in doloribus erat, inter quorum requiem et illa inferni tormenta legimus magnum chaos firmatum : sed nec apud inferos esse dicti sunt. Contigit enim, inquit, mori inopem illum, et auferri ab Angelis in sinum Abrahe : mortuus est autem et dives, et sepultus est, et cum apud inferos in tormentis esset, et cetera. Videmus itaque inferorum mentionem non esse factam in requie pauperis, sed in suppicio divitis.

LXIV. Illud etiam quod Jacob dicit ad filios suos: « Deducetis senectam meam cum tristitia ad inferos<sup>4</sup>, » videtur hoc magis timuisse, ne nimia tristitia sic perturbaretur, ut non ad requiem beatorum iret, sed ad inferos peccatorum. Neque enim parvum animie malum est tristitia, cum et Apostolus cuidam tam sollicito timuerit, ne maiore tristitia absorberetur<sup>5</sup>. Proinde, ut dixi, nondum inventi, et adhuc querendo, nec mihi occurrit inferos alieni in bono posuisse Scripturam duntaxat canonicanam: non autem in bono accipiendo simum Abraham, et illam regnium quo ab Angelis plus pauper ablatus est, nescio utrum quisquam possit audire: et ideo quomodo eam apud inferos credamus esse, non video.

<sup>1</sup> Act. ii, 24. — <sup>2</sup> Philip. ii, 10. — <sup>3</sup> Luc. xvi, 23. — <sup>4</sup> Gen. xliv, 29. — <sup>5</sup> Cor. ii, 7.

## CAPUT XXXIV.

*De paradiſo et tertio cœlo quo raptus est Paulus.*

**LXV.** VERUM hoc dum querimus, et aut invenimus, aut non invenimus, urget nos longitudi libri hujus eum aliquando concludere. Quapropter quoniam de paradiso sermonem instituimus, propter illud quod Apostolus ait, scire se raptum hominem usque in tertium colum, nescire autem sive in corpore sive extra corpus, et quia raptus est in paradisum, et audivit ineffabilia verba, que non licet homini loqui; non temere affirmamus, utrum in tertio celo sit paradisus, an etiam in tertium colum, et inde rursus in paradisum raptus sit. Si enim propria quidem nemorosus locus, translatu autem verbo omnis etiam spiritualis quasi regio, ubi anima bene est, merito paradisus dici potest, non solum tertium colum, quidquid illud est, quod profecto magnum sublimiterque praedictarum est, verum etiam in ipso homine letitia quedam bona conscientiae paradisus est. Unde et Ecclesia in sanctis temperanter et juste et pie viventibus paradisus recte dicitur, pollens affluentia gratiarum, castisque deliciis<sup>1</sup>: quandoquidem et in tribulationibus gloriatur de ipsa patientia plurimum gaudens, quia secundum multitudinem dolorum in corde consolations Dei jocundant animam ejus<sup>2</sup>. Quanto magis ergo post hanc vitam etiam sinu illi Abraham paradisus dici potest, ubi jam nulla tentatio, ubi tantum requies post omnes dolores vita hujus? Neque enim et lux ibi non est propria quedam et sui generis, et pro-

<sup>1</sup> Eccl. xl, 28. — <sup>2</sup> Psal. xcm, 19.

fecto magna, quam dives ille de tormentis et tenebris inferorum, tam utique de longinquō<sup>1</sup>, cum magnum clasma esset in medio, sic tamen vidit, ut ibi illum quondam contemptum pauprem agnosceret.

LXVI. Quae si ita sunt, ideo sub terris dicuntur inferi vel creduntur, quia congruerit in spiritu per illas corporalium rerum similitudines sic demonstrantur, ut quoniam defunctorum animæ inferis dignæ, carnis amore peccaverunt, hoc eis per illas corporalium similitudines exhibeat, quod ipsi carni mortue solet, ut sub terram recondatur. Denique inferi eo quod infra sint, latine appellantur: sicut autem secundum corpus si ponderis sui ordinem teneant, inferiora sunt omnia graviora: ita secundum spiritum inferiora sunt omnia tristiora: unde et in greca lingua origo nominis, quo appellantur inferi, ἡθεῖς ex eo quod nihil suave habeant, resonare perhibetur. Nec ipsam tamen rerum partem noster Salvator mortuus pro nobis visitare contempsit, ut inde solveret quos esse solvendos secundum divinam secretamque justitiam ignorare non potuit. Quapropter animæ illius latronis cui dixit: « Hodie tecum eris in paradiſo<sup>2</sup> », non utique inferos præstítit, ubi poenæ sunt peccatorum: sed aut illam requiem sinus Abrahæ, noui enim alicubi non est Christus, cum ipse sit Sapientia Dei attingens ubique propter suam munditiam<sup>3</sup>: aut illum paradiſum, sive in tertio celo, sive ubicumque alibi est, quo post tertium celum est raptus Apostolus: si tamen non aliquid unum est diversis nominibus appellatum, ubi sunt animæ beatitorum.

LXVII. Si ergo celum primum recte accipimus hoc omne corporeum generali nomine quidquid est super aquas et terram; secundum autem, in similitudine corporali

<sup>1</sup> Luc. xvi, 23. — <sup>2</sup> Id. xxi, 43. — <sup>3</sup> Sep. viii, 24.

quod spiritu cernitur, sicut illud unde animalibus plenus in extasi Petro discus ille submissus est<sup>1</sup>; tertium vero, quod mente conspicitur ita secreta et remota et omnino abrepta a sensibus carnis atque mundata, ut ea que in illo celo sunt, et ipsam Dei substantiam, Verbumque Deum per quod facta sunt omnia<sup>2</sup>, in charitate spiritus sancti ineffabiliter valeat videret et audire: non incongruerit arbitramur, et illuc esse Apostolum raptum<sup>3</sup>, et ibi fortassis esse paradiſum omnibus meliorem, et si dici oportet, paradiſum paradiſorum. Si enim animæ bona lætitia in rebus bonis est in omni creatura, quid ea lætitia præstantius quæ in Verbo Dei est per quod facta sunt omnia?

#### CAPUT XXXV.

*Resurrectio corporum ad perfectam beatitudinem animæ cur sit necessaria.*

LXVIII. Sed si quem movet, quid opus sit spiritibus defunctorum corpora sua in resurrectione recipere, si potest eis etiam sine corporibus summa illa beatitudo præberi; difficil quidem questio est, quam ut perfecte possit hoc sermone finiri: sed tamen minime dubitandum est, et raptam hominis a carnis sensibus mentem, et post mortem ipsa carne deposita, transiens etiam similitudinem corporalium, non sic videre posse incommutabilem substantiam, ut sancti Angeli vident; sive alia latiore causa, sive ideo quia inest ei naturalis quidam appetitus corpus administrandi; quo appetitu retardatur quodam

<sup>1</sup> Act. x, 11. — <sup>2</sup> Joan. iii, 5. — <sup>3</sup> 2 Cor. xi, 4.

modo ne tota intentione perget in illud sumnum cōlum, quandiu non subest corpus, cuius administratione appetitus ille conquiescat. Porro autem si tale sit corpus, cuius sit difficilis et gravis administratio, sicut haec caro quae corruptitur, et aggravat animam, de propagine transgressionis existens, multo magis avertitur mens ab illa visione summi coeli: unde necessario abripienda erat ab ejusdem carnis sensibus, ut ei quomodo capere posset illud ostenderetur. Proinde cum hoc corpus jam non animale, sed per futuram communionem spirituale receperit. Angelis coæqua, perfectum habebit naturæ suæ modum, obediens et imperans, vivificata et vivificans, tam ineffabili facilitate, ut sit ei glorie quod sarcinae fuit.

### CAPUT XXXVI.

*Tria visionum genera quomodo erunt in beatis.*

LXIX. NEMIRUM enim erunt et tunc ista tria genera visionum, sed nulla falsitate aliud pro alio approbabitur, nec in corporalibus, nec in spiritualibus visis; multo minus in intellectualibus, quibus ita præsentatis et perspicuæ perfruetur, ut longe minore evidentiâ nunc nobis adjacente istæ species corporales, quas sensu carni attingimus, et eis multi ita sunt dediti, ut solas esse arbitrentur, et quidquid tale non est, putent omnino non esse. Sapientes autem ita sunt in his corporalibus visis, ut quamvis ea præsentiore videantur, certiores sint tamen in illis quæ præter corporis speciem præterque corporis similitudinem intelligendo utcumque perspiciunt; quamvis ea non valeant ita mente conspicere, ut haec sensu corporis intuentur. Sancti vero Angeli et his

corporalibus judicandis atque administrandis præsunt, nec eis tanquam præsentioribus familiarius inclinantur; et corum significativas similitudines in spiritu ita discernunt, et tanta potentia quedam modo tractant, ut eas possint etiam hominum spiritibus revelando miscere; et illam incommutabilem substantiam Creatoris ita conspiciunt, ut visione atque amore et eam præponant omnibus, et secundum eam judicent de omnibus, et in eam dirigantur ut agantur, et ex ea dirigant quidquid agunt. Denique quamvis abrepto Apostolo a carnis sensibus in tertium cōlum et paradisum, hoc ipsum certe defuit ad plenam perfectamque cognitionem rerum, quæ Angelis inest, quod sive in corpore, sive extra corpus esset, nesciebat. Hoc utique non debet, cum receptis corporibus in resurrectione mortuorum corruptibile hoc induetur incorruptionem, et mortale hoc induetur immortalitatem<sup>1</sup>. Omnia enim evidentiâ erunt sine ulla falsitate, sine ulla ignorantia, suis ordinibus distributa et corporalia et spiritualia et intellectualia, in natura integra et beatitudine perfecta.

### CAPUT XXXVII.

*Sententia quorundam de tertio cœlo.*

LXX. Scio quidem nonnullos eorum, qui Scripturas sanctas ante nos in fide catholica tractasse laudantur, etiam sic exposuisse quod ait Apostolus, tertium cœlum, ut corporalis et animalis et spiritualis hominis hic differentias accipi vellent, atque ad illud incorporearum rerum genus excellenti evidentiâ contemplandum esse Aposto-

<sup>1</sup> Cor xv, 53.

Aliquot hic verba restituimus, quoniam placuerunt.

lum raptum : quod genus etiam in hac vita spiritales homines præ ceteris rebus diligunt, eoque perfui concupiscunt. Ego autem cur maluerim spiritale et intellectual dicere, quod illi fortasse animale et spiritale dixerunt, ut earumdem rerum alia tantummodo nomina ponerem, jam in primis hujus libri partibus me disseruisse sufficeret. Quæ si rite pro modulo nostro disputavimus, aut spiritualis lector haec approbat, aut etiam ut sit spiritualis, adjuvante Spiritu sancto aliquid ex ista lecture proficiet. Sed jam universum hoc opus, quod duodecim voluminibus continetur, isto tandem fine concludimus.

FINIS TOMI CENTESIMI DUODECIMI.

## **ANNOTATIONES.**

Hoc usurpatum est ex Virgilio, *Aeneid.* VII., ubi leguntur versus:

Hic torre armatis obusto,  
Stipitis hic gravidi nodis : quod cuique repertum  
Rimaoti , telum ira facit.

ANNOTATIO (2) pag. 100

Hic itaque liber perfectus fuit sub annum 426. Nam Augustini in Mauritaniam Cæsariensem profectio pertinet ad annum 418, ex *Epist. clx et ccv*, n. 1. Atque apud Cæsaream, ubi se concionem illam ante octo aut amplius annos habuisse memorat, agebat S. Doctor mense septembri ejusdem anni 418. Ex *lib. de Gestis cum Eme-rito*.

ANNOTATIO (3) pag. 115.

Aliquot hic verba restituuntur, aliique passim redintegrandi.